





Kaayyoo Jireenyaa

Description

Dhalli namaa jireenya keessatti kaayyoo adda addaa qaba. Milkaaâ€™innaa fi gammachuu argachuuf halkanii guyyaa battisa. Kaayyoo olâ€™aana bocatee fi galmaan gahee of gammachiisu barbaada. Kaayyoo adda addaa qabaachu fi milkaaâ€™inna adda addaa galmaan gahuun addunyaa teenya ijaara, wanta haarawa itti dabala. Ilmi namaa uumaman wanta haarawa hojjachuun guyya guyyaan of gammachiisu barbaada. Garuu wanti inni hojjatu kuni karooranii moo karoora malee? Kayyoo wayiitif hojjata moo kaayyoo malee oli gadi battisa? Kuni jireenya keessatti murteessadha. Kaayyoo akkamituu ilma namaatiif gammachuu fi milkaaâ€™inna itti fufaa fiduu dandaâ€™ma? Kaayyoon hundi gammachuu fi milkaaâ€™inna yaaddame hin fidu, mitiree? Kaayyoo jireenya keenya maal akka taâ€™e itti yaanne beeknaa? Moo akkanumatti kaayyoo malee jiraannaa?

Yeroo mana barnoota sadarkaa tokkoffaa fi lamaaffaa turre san, kaayyoon keenya inni guddaan qormaata qabxii gaarii galmeessun, doktora, Injinara, sayintistii fi kkf taâ€™uuf kaayyefataa turre. Mee namni kaayyoo kana galmaan gahe, â€™kanaan booda kaayyoon koo maalii?â€™ jedhee of haa gaafatu. Deebii maalii qabaa? Jireenyi kaayyoo malee akkam nama jibbisiistii!! Mee gaafadhu yookiin atummaan of gaafadhu. Deebiin isaa, â€™Ani hin beeku, duâ€™uudhaâ€™ fi kkf taâ€™a. Dhugumatti namni hawwii ofii wantuma ijaan argu qofarratti akkamitti gabaabsaa? Xiqqoo achi fageesse hin xinxallu? Rabbiin Oltaâ€™e akkana jedha:



âœIsaan jireenya duniyaa irraa gubbama(zaahira) beeku. Isaan Aakhiraa irraa immoo daguu keessa jiru.â• Suurat Ar-Ruum 30:7

Maarree, kaayyoo jireenyaa keenya akkamitti murteefachuu dandeenyaa? Kaayyoon jireenyaa maal akka taâ€™ee fi olâ€™aanaan kam akka taâ€™e eessaa argannaa? Matama keenyan â€™Kuni kaayyoo kiyya olâ€™aanaa fi isa dhumaatiâ€™ yoo jenne kufuu dandeenya wanta gara funduraatti nu muudatu waan

hin beeknef. Kanaafu, kaayyoo jireenya keenya eenyutu nuu murteessaa? Ah! Waa daganne. Kaayyoo, milkaaâ€™innaa fi sababa (means) jechuun maal jechuudhaa? Kana osoo addaan hin baafatin kaayyoo jireenya keenya murteessu hin dandeenyu.

Kaayyoo (hadaf) jechuun â€œwanta tokkotti yaadu fi gara sanitti fiigu. Namtichi waa kaayyefate yoo jenne itti dhiyaachuuf tattaafate jechuu keenyaâ€•1 Hiikni kaayyoo inni biraa tuqaa ykn iddoo gahuumsaa jechuudha.

Sababa-(2) funyoo wal qabsiisu, kan wanti tokko ittiin gahamu, karaa irraa deemanii ykn hordofanii kaayyoo ofii ittiin gahan. Rabbiin Oltaâ€™mee waaâ€™mee Zul Qarneeyni ilaalchise akkana jedha,

â€œ**Dhugumatti, Nuti dachii keessatti isaaf mijeessine jirra. Waan hundaa irraas tooftaa isaa kennine.**


Innis karaa ni hordofe. (Fa atbaâ€™ma sababaa)â€• Suurat Al-Kahf 18:84-85

Milkaaâ€™inna (al-Fawz)â€œ wanta tokkoo galmaan gahuu, wanta gaarii irratti injifannoo argachuu, nagaha bahuu, baraaramu.

Kanaafu hiika jechoota sadan kana yoo sirritti nuu galee kaayyoo jireenya keenya murteessun hin ulfaatu jechuudha. Yeroo baayâ€™ee â€˜Sababaaâ€™ fi â€˜Milkaaâ€™innaâ€™ walkeessa makuu fi sababa akka milkaaâ€™innaati ilaalu irraa kan kaâ€™me jireenyi nutti dukkanoofti. Yookiin immoo sababa akka kaayyoo keenya isa guddaatti godhanna. Kuni dogongora guddaadha. Fakkeenyaaf namni tokko diida (iddoo gahuumsaa tokko) deemuf imala isaa jalqabe haa jennu. Osoo iddoo gahuumsa hin gahin karaa irratti wanta adda addaatin sobamee, â€˜Ani milkaaâ€™inna argadhe ykn haajaa kiyya fixadhe.â€™ yoo jedhe, namtichi kuni kaayyoo ofitirraa kâ¼fe jedhama. Osoo iddoo gahuumsa hin gahiin milkaaâ€™inna argadhe jedhe waan sobameef.

Jireenyi teenyas haaluma kanaan karaa dheeraa irra deemnudha. Karaa dheeraa kana irratti iddoo gahuumsa keenyaa osoo hin gahiin wantoota adda addaatin sobamne milkoofne yoo jenne kaayyoo keenya irraa ni kufna. Kanaafu kaayyoon, sababni fi milkaaâ€™inni olâ€™aanan jireenya keenyaa maaliidhaa? Kaayyoo keenya kan nuu murteessu Rabbi nu uummedha. Mataa keenya ykn namni biraa yoo nu murteesse ni kufna, wanta gara funduraatti nu qunnamu waan hin beeknef. Haala duraa fi duubaa, keessaa fi alaa, kan darbee, ammaa fi kan dhufu kan beeku Rabbiin kaayyoo keenya yoo nuu murteesse badii hamatti hin kufnu.

Kaayyoo jireenyaa keenya kana. Rabbiin akkana jedha:



â€œ**Jinnii fi ilma namaa akka Ana qofa gabbaraniif malee hin uumne.**â€• Suurat Az-Zaariyaat 51:56

Yoo Rabbiin sirnaan gabbarre milkaaâ€™inni keenya olâ€™aanan kanniin taâ€™ma.

Milkaaâ€™inna olâ€™aanaa (ultimate Success)


1. Rabbiin namarraa jaallachuu
2. Jannata seenu
3. Jahannam irraa baraaramu

Milkaaâ€™inni kunniin akkanumatti hin dhufan. Sababa (karaa tokko) hordofuun cimne hojjachuu nu barbaachisa. Rabbiin Oltaâ€™ee kaayyoo fi milkaaâ€™inna jireenya keenya galmaan akka geenyu sababoota baayâ€™ee nu mijeesse jira. Fakkeenyaaf, nama soreessa taate mallaqa keetin milkaaâ€™inna armaan olii argachuuf namoota hiyyeeyyi gargaaru dandeessa, Aalima (hayyuu) taate ummata kee barsiisu dandeessa, halkan yommuu namoonni rafaan ati hirribaa kaate salaatu dandeessa, hanga humna keeti sadaqaa kennu dandeessa, dirqamoota Islaamni sirraa kaaâ€™e galmaan gahuuf carraaqxa, wanta badaa irraa ni dheessita fi kkf. Kuni hundi sababoota kaayyoo ittiin geettu fi milkaaâ€™inna itti argattuudha. Mataan isaanii milkaaâ€™inna akka hin taane hubatamu qaba. Fakkeenyaaf doktora ykn injinara yoo taate, dameen hojii kuni mataan isaanii milkaaâ€™innaa olâ€™aanaa osoo hin taâ€™in karaa ati milkaaâ€™inna kee olâ€™aanaa ittiin geessudha.

Kanaafu kaayyoo fi milkaaâ€™inna jireenya erga addaan baafanne, sababni milkaaâ€™inna taâ€™uu dandaâ€™aa ree? Yeroo ammaa wanta nama dinqisiisudha kaayyoo fi milkaaâ€™inna olâ€™aanaa dagachuun â€˜Sababaâ€™ kaayyoo fi milkaaâ€™inna olâ€™aanaa kan godhate meeqatu jira. Kanaafi jireenyi kan namatti dukkanooftuf. Insha Allah ammaan booda cimne yoo hojjanne jireenyi nutti hin dukkanooftu, kaayyoo, milkaaâ€™inna olâ€™aanaa fi sababa addaan baafne waan beeknef. Mee amma kaayyoo keenya ragaa waliin haa ilaallu. Kaayyoon keenya

Rabbiin Gabbaruun Jaalala Isaa argachuu

Kaayyoon guddaan ilmi namaa ittii uumameef Rabbiin qofa gabbaruun jaalala Isaa argachuudha. Kaayyoo kanaaf, nabiyyoonni ergaman, kitaabonni buufaman, dhiigni dhangalaâ€™e. Rabbiin akkana jedha:



• Hanga dhugaan (duuti) sitti dhufu Gooftaa kee gabbari. • Suurat al-Hijr 15:99

Kaayyoon kuni kaayyoo salphaa miti. Dhalli namaa kaayyoo kana irraa yoo jallate jireenya jallinnaa fi gammachuu hin qabne gaggeessa. Ilmi namaa yommuu Rabbiin gabbaru, Rabbiin fayda wayitu gabbarrii isaanii irraa hin argatu. Kan of miidhu fi fayyadu ilmuma namaati. Yoo Rabbiin gabbare eeggumsa, qananii fi milkaaâ€™inna Rabbiin irraa argata.

• Yaa Namoota! Akka Rabbiin sodaattaniif jecha Gooftaa keessan kan isinii fi warra isiniin duraa uume qofa gabbaraa. • Suurat Al-Baqaraa 2:21 Aaya (keeyyata) tana ilaalchise Shekhul Islaam ibn Taymiyaan â€˜Gabbarriin (ibaadan) maaliidha? Jedhame gaafatame. Innis akkana jechuun deebise,â€™ Gabbarrii (ibaada) jechuun maqaa waligalaa dubbii irraa, hojii keessaa(dhoksaa) fi alaa (ifaa) irraa wanta Rabbiin jaallatu fi itti gammaduudha. Salaanni, zakaan, soomni, hajjiin, dubbiin dhugaan, amaanaa eegun, haadha abbaa toola oolun, firummaa eegun, waadaa guutun, wanta gaaritti ajajuun, wanta badaa irraa dhowwuun, kaafirota fi munaafiqootatti qabsaaâ€™muun, ollaa,

yatimoota, harka qalleeyyi, karaa deema, tajaajilaa, beeladoota kunuunsu fi tola oolufi, du'aaayi (Rabbiin kadhachuun), zikriin, Qur'aana qara'uu fi kkf ibaadaa (gabbarii) irraayyi. Haaluma kanaan, Rabbi fi Ergamaa isaa jaallachuun, Rabbiin sodaachun, amantii isaaf qulqulleessun (iklaasa qabaachun), murtii Isaatif obsuun (balaa nama qunnameef obsuun), qananii Isaatiif galata galchuun, murtii Isaatti gammaduun (wanta gaarii itti nama ajajee hojjachuu fi wanta badaa irraa dhowwamuun), Isarratti hirkachuun, rahmataa Isaa kajeelun, adabbii isaa sodaachunii fi kan kana fakkaatan ibaada (gabbarii) Rabbi irraayyi. • (Al-Ubudiyyat fuula 6) akka ibsaan kitaaba kanaa jedhetti ibaadan hojii qaamolee fi qalbii, dubbii arrabaa fi qalbii kan of keessatti hammateedha.

Hojii qaamolee yommuu jennu akkuma armaan olitti tarreefame salaatu, soomu, zaka, hajjii fi kkf.

Hojiin qalbii immoo Rabbi fi Ergamaa Isaa jaallachuu, Rabbiin sodaachu, amantii Isaaf qulqulleessu (iklaasa qabaachu, niyyaa tolu), obsuu, galata galchuu, murtii Rabbitti gammaduu fi kkf. **Dubbiin qalbii** immoo (tokkichummaa Rabbiitti) amanuu fi dhugoomsu. **Dubbiin arrabaa** immoo zikrii, qur'aana qara'uu, du'aaayi, waan gaaritti ajajuu fi waan badaa irraa dhowwuu, dubbii dhugaa dubbachuu fi kkf. Gabaabumatti akkana jechuun ni danda'ama ibaadan wanta shari'aan Islaama itti ajajje fi wanta namoota irraa dhowwite guutu of keessatti qabata. Karaa biraatin ibaada (Rabbiin gabbaruu) jechuun- **ajaja Rabbiitti buluu fi wanta Inni dhowwe irraa dhowwamuudha.** Dirqamoota Rabbiin itti nama ajaje bakkaan gahuu (hojjachuu) fi haraama (wantoota dhowwamaa) dhiisudha. Nabiyyoonni hundii isaanitu ummata isaanii Rabbiin qofa akka gabbaran waamaa turan. • **Rabbiin qofa gabbaraa.** **Isa malee gabbaramaan biraa isiniif hin jiru.** • Jechaa turan. (Al-Qur'aan 7:59, 7:65, 7:73, 7:85)

Rabbiin (subhaanahu wa ta'ala) akkana jedha:

إِنَّ هَذِهِ أُمَّتُكُمْ أُمَّةً وَاحِدَةً وَأَنَا رَبُّكُمْ
فَاعْبُدُونِ ﴿١٦٢﴾

• Dhugumatti isheen tuni amantii keessani, amantii tokkittii dha. Anis Gooftaa keessani, kanaafu Ana (qofa) gabbaraa. • Suurat Anbiyaa 21:92

Wanta armaan olitti tarreefame hundaa Rabbiin Aaya tana keessatti gudunfuun akka hojii irra oolchinu itti nu ajaja:

قُلْ إِنَّ صَلَاتِي وَنُسُكِي وَمَحْيَايَ وَمَمَاتِي لِلَّهِ رَبِّ الْعَالَمِينَ ﴿١٦٢﴾

Jedhi, • Dhugumatti, salaanni kiyya, qalmi kiyya, jireenyi tiyyaa fi duuti tiyya Rabbi Gooftaa aalamaa (addunyaa) hundaatifii. • suurat Al-An'aam 6:162

Salaanni, qalmii (wareegni), jireenyi fi duuti teenya guutun yoo Rabbiif taate, maaltu nu dhiphisa? Halkanii guyyaa kan dhiphannuuf bar, hojiin keenya Rabbiin ala wanta biraatiif yommuu ta'uuudha. Rabbiif jiraachu dhiisne yommuu wanta biraa jala fiignu mucucaanne kufna. Kanaafu, salaanni, ibaadan kamiyyuu, yoo Rabbiif ta'ee yeroo san ni milkoofna. Yoo Rabbi jenne jaalanne, yoo Rabbi jenne

jibbine, Rabbiin na arga jenne wanta fokkuu irraa yoo fagaanne, Rabbiif jenne wanta gaarii yoo hojjanne ykn dubbanne, Rabbiif jenne yoo calâ€™isne, rakkoo nu qunnameef Rabbii jennee yoo obsine, jireenyi teenya milkaa’innaa fi gammachuun guuttamti. Kanaafu wanta biraatif jiraachu fi du’uu dhiisne Rabbiif jenne haa jiraannu, haa duunu.

Namni tokko erga Rabbitti amane ibaada (gabbarrii) irratti gadi dhaabbannaa (Istiqaama) isa barbaachisa. Insha Allah waa’ee Istiqaama gara funduraatti ni ilaalla, Rabbiin achiin nu haa gahu.

Kaayyoon tokko akkuma bu’aa qabu sababas qaba. Bu’aa kaayyoo keenya milkaa’inna jechuu ni dandeenya. Sababni immoo kaayyoo keenya galmaan gahuuf wantoota hojjanuudha. Sababni yoo hin jiraatin bu’aan ykn milkaa’inni hin jiru jechuudha. Addunyaan tuni kaayyoo ola’anaa teenya ta’uu dandeessi? Iddoo gahuumsa isa dhumaa ta’uu dandeessi? Yeroo baay’ee namoonni addunyaa tanaa kaayyoo isa ola’anaa fi dhumaa godhachuun of gowwomsu. Kaayyoon kana caalan ni jiru. Isaanis, Rabbiin gabbaruun jaalala Isaa argachuu, Ibidda irraa baraaramuun Jannata seenudha. Insha Allah torbaan bal’innaan ilaalla.

Kanaafu, addunyaa fi aakhira akkamitti walitti araarsina (walitti hiina)? Mee fakkii armaan olii ilaalaa. Sadarkaa gara jallaatti wanta addunyaa tana keessatti hojjachuu karoorfatte kaa’ii. Sadarkaa itti aanu irra immoo wanta kaayyoo fi milkaa’innaa ola’anaa armaan olii galmaan gahuuf si gargaaru kaa’i. Fakkeenyaaf nama dureessa ta’ee rakkataa gargaarun Jaalala Rabbii argachuun barbaada jette. Kanaafu sadarkaa tokkoffaa irratti wantoota dureessa akka taatuf si fayyadan kaa’atta. Fakkeenyaaf, doktora, injinara, daldalaa gaarii fi kkf ta’uu. Sadarkaa lamaffaa irratti immoo dureessa ykn wanta tokko taate hawaasa rakkataa kee gargaarudha. Maaliif gargaarta? Kaayyoo ola’anaa sanniin galmaan gahuuf, mitiree? Haala Kanaan wanti ati hojjattu hundi ibaada Rabbiitti jijjiramuun rahmata Rabbitiin milkaa’inna guddaa galmaan geessa. Kana hundaa hin danda’u yoo jette wanta maatii kee ittiin bulchitu karaa halaalatin argachuun ibaada irratti cimi. Addunyaa fi Aakhiraan wantoota addaan bahanii miti. Addunyaa fayyadamte Aakhira bitatta. Abu Bakar as-Siddiq, Abdurahman ibn Awf, Usmaan ibn Affaan dureeyyi turan. Qabeenya isaanii karaa Rabbii irratti baasun aakhiraa bitatan. Kaayyoon isaanii guddaa fi ola’anaan addunyaa tana osoo hin ta’u in Aakhiraa ture. Kanaafu, kaayyoon kee amma ifa hin taane? Fakkii armaan olii sirritti itti xinxalli.

Kitaabilee wabii

1 fi 2 Al-Majmu’al wasiix- fuula 977 fi 411 (Galmee jechoota Afaan Arabiffaa)

[al-ubudiyata](#)

Date Created

January 14, 2017

Author

admin